

四庫全書

集部

欽定四庫全書

集部

御製詩五集卷四十一

欽定四庫全書

御製詩五集卷四十一

古今體一百首

戊申七

兩江總督書麟奏報二麥收成分數及雨水情形

詩以誌慰

約報已曾達奏書茲陳收定九分餘

前據書麟奏兩江各屬麥秋約收豐

稔情形已悉其概茲以聞臨元入覲來京書麟兼署江蘇巡撫因循例奏江蘇各屬實在麥收分數內十分者

長洲元和吳縣吳江震澤常熟昭文崑山新陽太湖廳華亭奉賢婁縣金山上海南匯青浦武進陽湖無錫金

匱江陰宜興荆溪靖江太倉州鎮洋嘉定寶山崇明等
三十州縣廳九分及九分有餘者上年江寧句容溧水
高淳江浦六合丹徒丹陽金壇溧陽清河高郵東臺江
都甘泉興化寶應銅山海州沭陽海門廳等二十二州
縣廳八分及八分有餘者山陽阜寧桃源安東鹽城泰
州儀徵豐縣沛縣蕭縣碭山邳州宿遷雖寧贛榆通州
如皋泰興一十八州縣合計江蘇通省二麥收成九分
有餘其安徽省麥收實在分數書麟另摺亦稱八分有
餘是兩省二麥

更霑透雨孟仲夏可冀登秋高下畬

江蘇

俱屬有秋矣
安徽二省於四月下旬及五月初旬節次均得透雨茲
又據書麟奏常州鎮江江寧一帶於五月十三十五等
日復得雨三四五寸不等現在二麥刈穫完竣早插秧
苗青蔥長發其收割少遲之處亦上緊栽種池塘溝堰
積水充盈高下田疇秋成仍卜豐稔等語批問之下民
既為農慶而予之感沐鴻貺亦覺倍切敬寅耳

樂自應深慶爾時和當識益兢予尾批欣慰頻額手幸
值

天麻敬以居

招涼榭

今年露雨早晨夕尚微涼邇來晴始定雲淨曠日光卓
午乃覺炎爽榭坐相羊嘉蔭度籟輕暑氣潛何方既幸
禾渥膏復慶麥宜暘

闕外此時
方收麥

却恐志之欣即為敬所

忘五字以自箴惕息惟徬徨

千尺雪

引流阻峽即為瀑源遠挾沙色變黃稱瑞不須誇絳雪
可知此地乃其常

減汨其形淖瀾聲齊宮匡阜合其名竹鑪茗椀忘言坐
形寂聲清愜性情

觀瀑

辛酉戊申卅八年每至山莊必觀瀑雖云即景有新會
壁楣題遍頗厭熟而茲所會却殊前仍在

奎文兩字讀瀑之為聲應屬耳何乃曰觀寓之目義合
梵稱觀世音久未悟斯今悟獨

永恬居八韻

片雲收宇外遠界露峰尖曲棧輕輿進翠微樸屋瞻琴
書伴憩息林壑入吟拈迴憶昨年况正籌海寇殲兩臣

一忠効百勇萬軍無

上年駐此時正值籌勦臺灣逆匪
慮常青不能藏事因令福康安馳

赴山莊親授方畧命為將軍並命海蘭察為參贊率已
圖魯侍衛章京百餘人又調遠川粵黔楚勁兵近萬人
前往二人果能同心共濟未及三月生擒林爽文莊大
田二首逆餘匪亦殲戮殆盡於是海疆底定人慶更生

何莫非陟降之靈默為佑相俾得成功如是之速耶三月功成速五爻利執占

祖思賴呵護民務叶寬嚴不實心經理民事是以奸頑

屢有騷動此次大加懲創之後不得不令福康安在彼
熟籌善後良謨為一勞永逸之計節次據奏建城移縣
撫戢熟番設立屯田以及定界址置負弁諸事宜無不
寬嚴允當經久可行自此千里瀛壖苞桑孔固仰瞻

期與彼民副此至願云敬仰

奎文意瀛疆佑永恬

素尚齋

永恬居後齋高以樸為佳便拾雲廊級遂登山館階昔

今消一瞬圖史靜恒偕楫勒

雙文額惟深敬仰懷

福康安奏報抵廈門登岸並已圖魯侍衛等皆平

安渡海凱旋詩以誌慰

往征進旅遲成速

福康安於上年十月在惠安縣之崇武澳候風十餘日似乎遲滯乃當此

停泊之際所調四川屯練二千及廣西兵三千先後到彼而風亦旋利遂於廿八日申刻放洋至廿九日申刻所有兵船已齊抵鹿仔港因即乘銳長驅未及三月而全臺平定因遲而轉以成速神之佑助已為靈異

迴渡登舟危得安

茲又據福康安於四抵廈門後具奏渡海情形云於五月初十日復有順

欽定四庫全書

編製詩五集
卷四十一

風揚帆行至日暮抵黑水洋距澎湖內澳僅二十餘里
風息不能前進碇索長至六七丈猶未至底難以寄
泊即在洋面往來飄蕩十二日午後風浪大作竟夜不
止船隻雖覺欹側幸而安穩無虞十三日晚間即抵大
擔門所有隨從已國魯侍衛等俱於十四日登岸此次
用兵往來配渡船隻大槩俱各安順而福康安迴渡瀕
危得安尤昭神護要亦忠信天佑為之威慶可識臣忠
之忱得邀

天必佑益欽

神護衆胥歡除兇旋凱事全歲旰食宵縈念始寬自顧
何修叨

助順持盈惟勵慎君難

福康安徐嗣曾奏清查臺灣積弊並酌籌善後事

宜詩以誌事

善後瀛疆命重臣

臺灣逆匪此次大加懲創不可不詳籌善後事宜以期永臻寧謐福康安

不特勇畧夙著堪以掃蕩賊氛而平日體國公忠亦予所深信是以大功告竣之後特命暫住數月詳查歷年

積弊際此一切改弦庶可永絕弊竇

並教宣撫渡由閩

福康安酌籌善後惟一切弊端究異

地方專責撫臣徐嗣曾在閩久任藩司剔釐固其任內之事是以預令渡海俟福康安勦捕事竣會商妥辦

付之海外弊叢舊

臺灣地土本屬膏腴又經我朝百餘年休養生息物產益饒居民日庶祇

以遠隔重洋文武各官僅以肥橐為心不以整飭在念而督撫大吏又不一至其地於是百弊叢生蓋已匪朝

爾伊

夕合以時宜政改新十六條胥飭文武

茲據福康安
徐嗣曾奏清

查臺灣積弊酌定善後事宜十六條內如稽查操演按期巡哨嚴飭閱兵派累禁止離營貿易裁革四項目兵互驗換防戍兵清查安設砲位嚴禁搶奪械鬪搜查戶口逸犯禁止私造器械懲治賭博惡風開八里坌海口便商嚴禁大小港私渡設立鋪通船隻十四條自屬整頓營伍綏戢地方要務又如責成大員渡海巡查准令道員奏事二條則俱係預先有旨之事因令大學士九卿會議具奏將來文武各員果皆激發天良實力遵行則僻遠之區政令一新風氣潛移默瀛壖自當永靖矣

萬千戶永晏民人貪官劣將

致債事

逆匪林爽文等無一倖逃法網固皆孽由自作然節據福康安李侍堯奏總兵柴大紀縱兵牟

利廢弛戎行知府孫景燧同知劉亨基董啟挺知縣唐鑑程跋等肆意貪婪不恤民隱以致奸頑既無畏忌轉

得藉口日久釀成大案原其債事之由殊堪憤恨
然而事後方知整飭殊愧已前之失於覺察矣
事著

方知愧亦真

遊獅子園

纔出山莊西北門園標獅子面前存輕陰點雨增山景

峽陡澗環漲水源

山澗恒乾今年春雨早而夏霖間作故常見水

較量農功幸

無礙歇停行旅已過煩

行路那辭跋涉茲隨從衆人書畢至熱河亦無馱載之勞矣

齋憇坐餘清興憶舊那能忘七言

妙高堂

憶我甫六齡塞園即居此忽忽閱流陰七十二年矣以
曰為學功那識精微旨以曰為政方豈協平成理內外
兩茫茫一貫多慙耳惟是知慙心矻矻勉不已

護雲莊得句

雲護山斯山護雲莊居恰好與平分偶來席不煖坐去
膚寸已霑弗藉勤

草房

草房緣綴景樸素倚翠岑當年聞詩禮此日緬雲林

寓意在高閒悠然超世音設曰非黃屋未識堯之心

忘言館

書館三間委曲藏寧須插架鄴侯方每來輒有憶前作
名曰忘言豈易忘

松柏室有會

松柏樹之豪然亦微分有柏以子得稱松則鍼名受鍼

長平聲計以尺子落收之斗松長上聲易為高柏峙却饒久

俗云千年松萬年柏是柏久於松也松鍼一年可長一
尺柏葉一年不過長一寸是松速於柏也遲成者經久

理可思矣 遲久速暫間為學應知否

題宜照齋

遊旋偶憩向西居几淨窓明興起予隔歲景非大為異

夕陽名畧不相如

齋名宜照而遊憩每於午前即返名義雖覺未協然予固別有會心矣

云宜莫若於民物其照由來在史書自問意應何所託
尋山探勝豈徒歟

玉岑精舍

一谷入幽深精廬對玉岑尋常不恒到瀟灑稱清襟雨

足山泉壯風來澗爽侵坐當收扇耳那復藉班吟

含青齋得句

含青每歲有詩題
遵谷輕輿降自西
且是晝長值清暇
得於山靜小遊棲
怡神已覺八旬近
歸政惟餘七載俟
厯識千支具深意
待看初願可符兮

雨

六月初九日

夜雨廉纖曉正酣
真成霖矣勢旁覃
已看山阪潤盈尺
况數晴朝厯過三
或密或疎逾午未
為禾為黍渥東南

酉牌漸覺雲輕散望霽遙天喜蔚藍

晚晴落照

碧空斂翳露晴曦
蟬蛸在東莫指之
西北風來能送爽
東南雲去那留絲
幸知多稼逋汙潦
更免小民曰怨咨
鴉背樹頭生動朗
天然畫趣喜同斯

題倣高克恭夜山圖疊壬寅詩韻

作圖曾是趁幾閒
瞥眼流陰十歲間
展卷不殊當日興
却羞白髮對青山

題泛月詩畫卷疊癸卯詩韻

泛月數十度老來已罷遊殷勤詩與畫展閱尾由頭遮
莫多年景勾消一卷留松梢玉輪上依舊素輝流

署山西巡撫明興奏報大同等處續得透雨詩以
誌慰

大同昨歲今春旱孟仲夏方膏被優

大同上年被旱成災業已蠲賑繼施

今春又復缺雨直至四月廿三四日方得霑透日前途
次雨澤頻霑因見雲氣自西北而來似應係大同一帶
即傳諭馳詢明興曾否一律霑霑茲據覆奏該處於五月
十四五等日復得雨三四寸及深透不等所有賞借籽種

隨即散給該處前次大雨播種者已十之六七
此次趕緊翻犁俱已全行播種秋成可望有收
播種秋

田望收穫借糧貧戶解窮愁省城月李霽霖續各郡禾

苗繼雨稠

又稱五月十二三及十七等日之雨該省霽
被者已共有七十一廳州縣省城於廿一日

復得雨五寸有餘並據陸續報到同時得雨者三十七
州縣各二三四五六寸不等當此大田長發之時連得

甘霖續霽禾苗日見滋長現
在糧價平減民情甚為恬熙
却自別聞漳水弱嚴教親

勘戒辭浮

近據管幹珍和琳奏運河水勢情形內稱臨
清以北長河專恃衛河水旺方資浮送而衛

河又賴漳水發生會注現在漳衛俱係涓涓細流並查
得清漳發源山西平定州之樂平縣濁漳發源潞安府
之長子縣等語如果明興奏報山西通省續得雨澤則
漳流自當旺盛或明興前奏不無捏飾或泉源堵塞及

中達別有旁洩俱未可知因即降旨令明興親赴該處查看多方疏導相機妥辦并將平定州潞安府所屬是否得雨屬實亦即覆奏不得迴護諱飾自干咎戾

雲貴總督富綱奏報緬甸稱臣進貢詩以誌事

官屯謝罪求罷戰已即傳宣命止戈

昔年征緬之役事非得已迨己丑冬

經畧大學士傅恒於新街江裔連破賊壘遂進攻老官屯繼拔屯西一砦絕其糧援已可計日藏事維時聞其水土惡劣我將士多受病者深為憐憫若更待春至陽生則瘴癘益甚於是有班師之諭而傅恒適亦奏緬酋惜駁遣大頭目詣軍營籲求貸罪罷兵因檄諭解圍撤兵蓋其始以聲罪之師不可以已既而深度事勢恤我征人遂爾止戈原非利其土地必欲窮兵也嗣是二十年来亦且置之度外茲據雲貴總督富綱奏掌管國事

孟頫遣大頭目三名小頭人十二名賫金葉表文並馴象金塔等件款關進貢情辭甚為恭順詎可阻其向化之誠即諭令准其前行在並臨時酌加優賚以示柔遠至意却逮廿年無信息何稱一旦入漸摩遜辭並未馳文帝奉表翻看來趙佗羈彼重英異蘇武督臣致訊似為過

按漢書趙佗當秦末自立為南粵武王高帝已定天下為中國勞苦釋而不誅佗既復僭稱帝號文帝立遣陸賈使南粵賜書告諭佗恐頓首稱臣蓋文帝初鎮撫天下不欲興兵誅討惟貶損詞意冀其感服而佗

果稱臣奉貢書生選懦之見率以為是予則以為大
失中國駕馭外域之道蓋外域惟畏威不知懷德此
意向屢論之若今之緬甸則大不然初以滋事邊疆
興師問罪既因其籲求貸不加討亦不過舍之而已
豈值以一紙之書婉諭臣服而茲益隕款闕進貢詞
順禮恭且據督臣譯其來文謂其父甕藉牙承管國
事至其兄懜駁傳子贅角牙同時為惡獲罪天朝繼
蒙寬赦不加征勦感激實深伊與懜駁父子素不和

睦藏身緬寺為僧自贅角牙自取滅亡衆頭目舉伊
掌管國事屢欲乞求進貢因暹羅時相侵擾並移建
城池未遑將使茲特差心腹賫表並具貢物懇祈轉
奏乞恕已前之罪永作域外之臣謝罪入貢歸誠出
於傾心向化其恭順過趙佗遠矣至總督富綱訊以
楊重英之事實過於苛求楊重英不過一梟司在木
邦被緬甸之兵遮去留彼非若蘇武之奉使朝廷也
其縛送與否皆無所闕係何必致問因嚴飭富綱令

罷之且蘇武在匈奴娶妻生子向已薄之聞重英在
緬甸求死數次而不得若復無娶妻生子之事是較
蘇武為優矣並戲及之

河南巡撫畢沅奏報河北三府普得透雨詩以誌
慰

河南澤原及河北旱偏仍以此切宵晝如何救億蒸茲
稱盈尺渥可以晚田興

豫省河北三府春夏以來得雨
總未深透惟冀此時得有甘膏

大田可以播種齊全過日屢獲陣雨見雲勢徂南冀幸
河北三府同時均被即令傳旨詢問茲據畢沅奏河北

等處於初七日未申間大需甘霖入夜益加綿密初八日又復竟日優施淋漓酣暢霪被俱已盈尺飛查附近之湯陰淇縣汲縣等處均各一律深透不特已種田禾葱鬱可觀即未種之區俱得佈種晚穀糜粟豆黍及一切雜糧其有貧乏農民亦即遵旨借給籽種目下方交初伏尚可無悞田功覽奏不禁以手加額深為慶幸

壤接直三府優膏詢被曾

直隸南三府與豫省河北三府境地相接自必同時需透

今豫省已經奏到而直隸較近轉未據奏報亦即馳詢令其速奏以慰廑注

清舒山館

上伏為霖傍晚霽堪欣時若合農書

農政全書云六月不熱五穀不結蓋

月朔及首伏最忌連陰昨初九日上伏有雨傍晚即霽今已晴數日頓覺炎熱可稱時若一遊稔冉

一年閱滿目清涼滿意舒承慶無緣徒惜彼

館中書堂額曰承慶

皇祖御書蓋康熙年間理密親王所居也

耿光有覲益殷予覲光應在勤實政豈在云云付以虛

含德齋

盤庚之所云蓋以怨其臣南華之所云蓋在修其身君者臣之率修身實合勤修而弗自誇含之德乃淳

聖額垂訓深奕葉慎為君

題射鹿行樂圖二首一韻

牝牡平岡射並馳
牝穿中牡兩殲之
十年前事圖行樂
今日觀斯未信斯

往日雄心去若馳
設云佳兆或中

平聲

之爽文

林

既縛大

田莊獲一舉雙擒實似斯

直隸總督劉莪奏報南三府普得透雨詩以誌慰

河北霑霖信速馳
燕南待報轉如遲

前日以畢沅奏報河北得有透雨而

直隸較近何以未據奏報
因傳旨馳詢今日亦據劉莪奏到矣
蓋畢沅正在彰德目擊得雨情形即行入奏而

劉莪尚待南三府報齊是以遲到二日耳

由來被澤雖前後以曰膏

去聲

田總

渥滋

劉我奏畿南未得透雨之大名等十一州縣內大名元城曲周肥鄉成安等五縣於六月初八九等

日各得雨六寸清豐廣平雞澤等三縣各得雨七寸開州南樂東平等三州縣各得雨五寸均已入土深透晚穀晚豆黍稷等項儘可趕種其已種禾苗無不菁蔥勃發農民實深歡慶又順天迤南之保定河間天津正定順德等五府及冀趙深易定五直隸州所屬並大名府屬之長垣廣平府屬之永年等五州縣先經得雨透足佈種齊全此次一律普霑亦正可資接濟等語是直隸與豫省得雨雖有前後而六府麥收歉薄之區同時霑被秋稔俱堪期望數月懸注之情為之頓釋

六府麥收誠致歉三秋禾稔尚

堪期南瞻額手同民慶益戒心驕勵敬寅

登煙雨樓

伏日為霖晚遂霽時暘真足合農謠奚妨小雨當六月
是日小雨况是大晴歷四朝舟泛空濛旋登岸樓探茗邀一
憑寮循名責實誠無忝副矣惟期莫致饒

青楊書屋

古樹新房層閣東精神曾為寫菁蔥

丙午駐此曾寫青楊圖並題以句張

之壁間

千年一幃形合象試問當前同不同

翼亭口號

假山之上實亭構曰翼其名轉假之却笑世間有為法

似茲一字孰逃茲

六月望日作

夏季與秋孟最忌朔與望為半月之首可卜雨暘狀昨
朔幸逢霽晚雨夕陽放故此上半月未至愁霖漲茲下
半月首晴朗更豁暢碧天無片雲皜日輝千嶂欣幸不
敢言此意焉能況較量過農夫為君難孰諒

同福寺

園中無不具綴景有梵寺望日禮金仙輕輿亦一至四

山收曙煙千林晶曉霽
暝禾農卜熟露草鹿飽脆物無
不被福同哉普如意

嘉樹軒作歌

我曾嵩高吟漢柏又曾泰岱詠秦松
漢柏誠閱數千歲

秦松虛存五老名

嵩岳漢柏猶存庚午秋巡有漢柏行紀事泰山上五大夫松已無存雍正

年間內務府總管丁皂保監修泰山廟工時補種屢經題詠

其誠其虛姑弗論胥輸

此樹巍然猶存太古形為愛嘉蔭構軒於其下初無角
弓培植之深情蒼皮映日龍為骨青葉篩風鳳作鳴宇

宙以來風月伴似笑秦松漢柏經許詩人評

管幹珍和琳奏報漳衛各河長水運道疏通情形

詩以誌慰

去年籌運在迤南今年籌運在迤北南之微湖一尺增

近年因微山湖水勢微弱不能收符定誌漕運每形遲滯去夏命侍郎明興動帑挑挖深通較舊誌一丈一尺之外尚多收一尺是以今歲自臨北漳衛復愁無力豫清以南開河水勢充盈足資浮送

齊漕運已報誤南運踵至那免塞巡漕御史雖例催運

自臨清以北專藉漳衛二河之水接濟今歲豫省春夏之交河北三府缺雨漳衛二河水勢消耗不特豫齊二

省糧艘已見遲誤而南糧踵至自亦阻塞
巡漕御史和琳往來催趙亦已不遺餘力閣學經事命

協畫

內閣學士管幹珍近年以來屢巡漕務頗屬能事
因命前往協同和琳籌辦二人分投查探水勢挑

挖淺阻設法起撥可謂盡心盡力究以
漳衛二河水勢微弱幫船仍不能邁進二人同心盡力籌

苦於水弱徒乏策虔禱漳源

神錫佑油雲四布敷甘澤兩河各長數尺水軍民商旅

歡無極

茲據管幹珍和琳會奏於六月初五六等日虔
禱漳河神廟祈求水澤越日油雲四布於初

八日辰刻至初九日已刻得雨七寸開內外運河已長
水二三寸突於初十日亥刻衛河長水六尺漳河長水
四尺餘寸水頭下注續見增長量探誌椿連底水陡長
七尺三寸軍民商賈無不歡欣解纜揚帆前進等語此

次甘露優被河水增盈實昭神貺因即勅部
議增封號並親書聯額懸掛祠宇以表謝忱
不惟利
運且利農慰以謝

天增惕息

荷二首

春杪夏中涼候永季過月半始開蓮如云君子懷之久
不欲速成應故然

楣間厯厯有題詩借用於斯紀歲時亦識七春秋甚速
符初望否此徯之

敬晴齋

自我至山莊今年時雨暘無須副名卜

每年雨過多時偶晴則至此齋

而喜或連陰弗霽則來此齋以望其副名而晴一遊之頃何時不厯農務今年則幸弗愁霖耳且免慮

農忙慰匪愁霖過吟因消夏長乘涼憑牖處惹蒨朗山光

清綺書屋有會

清弗綺失嗇綺弗清失豐清綺兩相資是謂得其中又

必貴天然毋取人巧工寧渠

去聲

言詩哉萬理胥可通外

景既蘊藉內觀合冲融清綺筌蹄耳豐嗇糟粕同斯屋
誠有是枕肱興不窮

繪韻樓

淡煙出岫纔生際翠葉臨風欲動時
斯韻問誰能解會
雲容林態兩無知

蘊奇齋口號

史尚傳真集尚雅六經萬古予多岐
由來正好奇無好
齋額之為我不為

山近軒有會

據嶺向南下書軒果山近尋常向北上弗近惟覺遠上
難下實易因悟為學本匪進則成退退易進難允豈啻
為學哉為政亦堪準莊敬乃日強雖老猶斯黽

延山樓

山近軒前樓額以延山擬千林蓊傑池諸峯羅嶢嵒晴
光入牖明輕籟拂座美引興不期長忘言亦足喜近山
復延之固弗知足矣

古松書屋作歌

華

去聲

陰之廟有秦松嵩陽之院有漢柏中華衆樹之二

老秀占陰陽萬古碧柏則常見松則無

嵩陽有漢柏南巡豫省曾留題

至華陰岳廟云有秦松然未至其地弗能憶度耳

每緬太室思神迹

謂松岳漢柏

嶽

庭卓貌夫如何

謂華嶽秦松

未覩其形向誰憶宇宙以來此

處山宇宙以來此山植較之羸秦應更古而我書屋居

然得復思嵩華之二老應有詩人詠形色其間不少唐

突人二老聞之想耳塞听然欲問窓外者可同彼乎則

避席

驚喜

驚喜曷有常亦視其事矣蘭第錫畢沅各馳五百里聞言為之驚或有他故耳急摩奏書囊變驚乃為喜胥報

需甘霖田渥運通美

前因管幹珍等奏汶水自五月下旬後亦形消落不能濟衛河之不

足而衛河又賴漳水會注方能濟運遂諭令蘭第錫飭管河各員就近導引泉源以歸汶河亦令畢沅於衛河發源處所大加疏濬並堵閉旁流以期旺盛北注茲據蘭第錫畢沅同日覆奏豫省河北一帶於六月初七初八等日甘霖大霈衛河節次長水至一丈四尺餘寸其汶水設法疏導已前後長四尺餘寸可以南北兼濟南

糧重運載至六月初十日已入臺莊者七十幫已過濟寧者五十五幫以後幫船足資浮送過行而畢沅又稱初旬之雨豫省一百八屬一律普霑於秋田大有裨益等語覽奏曷勝欣慰

吁嗟有是哉手

額謝無已諸務近順適益慎盈虛理

喜雨

六月廿四日

久晴農旅兩嘉均恰值為霖正報旬候屆時行難得喜

六月為大雨時行之候茲晴霽連旬而雨足稱喜也

暘逢曰若幸蒙仁勢如蘊藉

羣峰嶺聲作悠揚渥隰畇雖識未過願適可心期曉旭

朗明晨

喜晴

六月廿五日

細雨傍晨收曉煙歸嶺浮畫如米氏展

石渠寶笈藏宋米友仁瀟湘圖

卷尾自識有夜雨欲霽曉烟既泮其狀類此云云董其昌畫禪室中物也

詩恰杜家投

既雨晴亦

佳杜句也

涼峭袷衣試興紆彩筆酬晚田山坂種又報可登

秋

創得齋

石徑崎嶇漸入深山齋松下面前臨不塵雅契俯仰視
以靜為緣悅可心此日初來即初得客秋何去作何尋

昨朝渥雨欣新霽叢樾猶餘滴露音

過嶺至旃檀林

一嶺隔東西都稱盛處題既經曰此至

謂創得齋

豈不念他

後

謂旃檀林

事半功方倍臨高行自低禪宗及世法原是不

齊齊

天籟書屋口號

書屋由來學項氏古香幾卷貯名家

內貯朱芾吳鎮徐貴唐寅四名畫

卷皆有項元汴天籟閣印記者蓋屋既仿其名自宜有責實之意未可云著色相也

雲林謾道太

著相祇作旃檀天雨花

澄霽樓寫懷

山莊今歲實微倖自春徂夏常霑雨雨而即晴慶若暘
高下田胥利禾黍爾日正值時行候昨晚作霖雲勢普
翹瞻傾聽不可當何幸陣過夕陽吐曉涼問景試登樓
雲淨碧天懸素宇目遊霽色共心澄澄者昨朝方寸若

七月朔日作

預愁兩三日幸值孟秋晴朔旦占一月

農家以七月朔日晴則此一月

可占時若茲得竟田功利萬氓黍禾暴成實蕎菜潤爭
日晴朗何幸如之榮晚乃敢摘句欣看夕照明

翼朝仍用前韻

田謠原熟識心渴翼朝晴

農諺又有不慮初一雨祇怕初二陰之語蓋謂初一如遇

雨又慮初二連陰主前半月多雨之象茲初一既喜晴而翼日仍無片雲實慰渴望勿替憂惟我

甚於農者氓林風輕送爽荷露泫滋榮更覽滇南報羈

官獻以明

前據雲貴總督奏緬甸新掌國事孟隕遣大頭目等稱臣進貢茲又奏稱並將從前被裹羈

留之臬司楊重英及雲南兵丁四名廣東客民七名一同送回內地雖其人無闕聚要然亦足見該國恭順之

也忱

烟雨樓觀蓮

一再秋旻霽景鮮芙蓉初發謝詩妍自然可愛溫宗鮑

溫庭筠詩謝詩生芙蓉蓋亦舉鮑照語也奚必定拘雨與烟即此閒憑元璫

閣羸他飽看教漢

作平聲讀

蓮

教漢所產蓮殊內地

花色鮮辦大迴皇祖時移植於

此今滋生御河中無慮數萬當午暄晴紅霞映日嘉禾漚湖中未必有此勝景

遲成原是君子

德

今年塞湖荷放頗遲

鏡裏流光閱永年

題戒得堂

書堂述

祖額檐開肯構而今亦久哉已是居安九年閱曰惟謙

益一言該有無形著後記志

辛丑作戒得堂後記謂前記言其欲得者有形得與

失任彼其過小後記言其已得者無形得與失任已其過大平伊犁定回部靖金川皆已得者而曰無形蓋言消息盈虛之理滿損謙益之機即潛伏於其中也以此慄慄戒懼日慎一日若今歲臺灣之三月歲功緬甸之萬里八貢當亦仰邀上蒼鑒予夙昔不得已而用兵之心乃益昭茲寵眷耳

覆載恩叨此日培平得臺灣順得緬莫非篤念戒中来

文園獅子林

謂曰文園別御園獅林一例仿蘇門笑他於古稱高士
曾識而今有塞垣自夏入秋方著句去陳嫌複可輕言
爾來暘雨幸時若敢即心紓敬益敦

荊州

荊州六百里清曉馳章至將軍及布政各報被水事圖

桑阿

將軍

駐防統兵國初制

荊州駐防兵蓋百餘年矣

布政

淮陳

緣查賑

迴適臨其地

時陳淮自長陽縣查勘被水情形迴適至該郡

忽值江水漲決隄

入城遂城中水丈餘兵民屋沉墜

據圖桑阿陳淮奏六月二十日見江水泛

漲正在加築搶修護城各隄腰旋報水已漫過堤面府城地勢低窪文武員弁急將各城門下閘堵閉乃至酉刻堤腰潰決江水直逼城下遽將西北兩門沖開城牆亦多沖缺未及兩時漢城內水高一丈七八尺滿城隔有界牆水勢稍緩兩城文武衙署兵民房屋以及倉庫監獄俱被淹浸兵民奔走不及者率多淹斃餘俱赴城上搭棚棲止陳淮亦令人撈拾竹木版片紮成小筏渡赴沙市招募船隻分救並將府倉存貯南米雖已浸濕尚堪充腹當即按大小口散給而八旗綠營兵丁亦即造運米石照例各借給一月口糧以資接濟較辛

丑更甚棘手愁無計縛筏急救人城上權生計屋舍胥蕩然昏墊憐窮匱覽奏心惻然既且為增愧致和我無能逢災人受累亟命督撫臣速往率羣吏賑恤救難民

莫言惜帑費修城及補堤善後為次第

此次荊州被災較重雖有陳淮

在彼督查予心深為厯念因即馳諭督臣舒常撫臣姜晟星夜前往率屬加意賑恤務使災民不致失所至修城補堤一切善後事宜亦須志心經理即多費帑金非予所惜也

予因是思之吉順原

難備南北幸時若率可卜豐歲切切祝安瀾夏過秋甫

蕩海嶠既永靖緬疆來貢使盈虛消息理虔鞏益增惓

言吉弗言災是謂存飾諱此念曷敢萌永以勵予志

立秋

七月初五日

農諺立秋占雨而晴始快

農家以立秋日不雨為秋掉主秋後雨少雨不止為秋僂

主秋月多雨惟既雨而晴為吉占今歲春夏雨膏遠足是日雖無雨亦不致盼澤也寧當晴致少懼作雨成淹霽景終朝朗暑風特地炎祝融孤注設理也正何嫌

七夕日作是日微雨

凌晨晴宇淡傍午跂

上聲

雲舒霽久雨斯可名循實不虛

歐炎披颯沓送爽細吹噓憑睇霏微勢誠堪號洗車

七夕

或前後一日雨皆謂之洗車
十歲中蓋八九逢之亦奇

兩

七月
八日

連纖細灑渡河日亦可循名車洗聊却是溪微仍達曙
遂教霧霈墮終朝逮旬雖未慮過滯宜霽惟殷望恰調
把筆踟躕眇天際紅霞斜抹遠山標

喜晴

曉烟猶戀宇辰旭朗烘晴心與風同爽愁將雲共征灌
漿禾飽穗吐穎菜抽莖農圃胥稱慶歡生旅客并

題碧靜堂

碧者自成靜靜非碧所知安名與立字都因人所為有

為胥隣幻此語非我欺然則斯題額非譽徒招嗤

題宋人名流集藻畫冊十二幀

畫法開宗北宋初風規猶識李唐餘

謂唐時畫法非宋李唐也

精工

權異七夕巧

書畫譜載燕文貴七夕夜市圖至為精備此幀雖其寓意之筆而唐人筆法尚存真

面慘澹真看一幀攄杜氏納涼斯有謂張家觀瀑雅相

如石渠寶笈上等有張僧繇夜月觀泉圖向曾題詠

名流集藻彙十二舍是誰

當冠冕諸

右燕文貴納涼觀瀑

伯氏馳千里仲猶希遠稱二難踪已絕一幅蹟看仍笠
宇劇談客蓮宮入定僧其間勞與逸問孰辨淄澠

右趙伯驥碧山紺宇

獲澤畫惟宗李唐丹林詩客寫相羊似其志在高閑者

十二何傳瑞應祥

曹勛編宋高宗瑞應故事十二段各系以讚蕭照為之圖夫高宗航樂西

湖不圖恢復徒誇瑞應適足增羞是以丙午題其瑞應圖有丹青披詠當年事抑以為榮抑辱乎之句在曹勛編列瑞應固不足取而蕭照侈寫丹青亦豈得為高士乎

右蕭照丹林詩思

雙雛如仰望其母竟何之未解率場啄誰憐空腹飢展
圖一絜矩觸目切深思災壤民待哺慎哉羣有司

雙雛待飼何異飢民望賑觀圖搗臼不禁惻然惕然
恐地方官辦賑或有如是者近日荊州被水甚重尤
切於懷蓋無時不以民艱為念况觸目警心乎

右李迪雞雛待飼

漢臣人物稱精工多作貨郎宮市事此幅却看具別撰
蕉陰毬擊雙童戲其母憑案俯慈顧弗為畫荻教識字

繪形曲肖寓意失不及前燈李迪藝興我無邊體民心
慎其嘆隅告諸吏

右蘇漢臣蕉陰擊毬

果結必資花却有無花者別名木饅頭或因形弗雅綴

子於葉間累累

言

復若若

叶

七利名徒傳

見

幾團

見實寡錢塘特寫斯應寓別意也庶子與家丞箇中兩

弗假

右李迪無花果圖

竹籬權閉戶松舍乃開窓却寓暗門意

錢塘清波門俗呼為暗門松年

所居地因以為號

不同畫院腔詩書趣有永風月淨無雙童子

勞掃徑足音早斷是

右劉松年山館讀書

粉本疑從陸仲仁

珊瑚鈎詩話載陸仲仁有畫王右軍支道林許遠游三高圖

却揮

減筆為傳神風狂院內拋金帶何異挂冠神武人

國繪寶鑑

戴梁楷善畫人物山水然其傳於世者皆草草謂之減筆嘉泰時畫院待詔賜金帶不受挂於院內嗜酒自樂號梁風子亦猶陶隱居挂冠神武門之意與

右梁楷三高遊賞

畫鑑稱楷藝善於畫鬼神鬼神人稀見其奇自易臻

國繪

實鑑云楷工於人物善畫道釋鬼神師賈師古描寫飄逸青過於藍而傳於世者頗少楷之精工繪

石渠未弄珍寓意存一二飄逸誠鮮倫此冊乃疊出胥
其結撰親夕陽踈柳間鴉背翻金頻本色不衫履是謂
自貌真

右梁楷秋柳雙鴉

奪搶著力見童雙別一得之氣已降讀書及第不學賈

爭強欲勝徒成逢設使卒然落乎水可能擊石破其缸
冷齋夜話載司馬溫公免時與羣兒戲一兒墮大甕水中羣兒驚走公以石擊甕水迸出兒因得活

右陳宗訓秋庭戲嬰

待詔曾聞花鳥工寫形有盡意無窮雖然黑白分明判

雙鴿皆白身黑尾喙所惡趨炎却寓中
俗有鴿向旺家之語宗貴此憤雖亦知別黑白而未

免意在趨炎因題句戲及之

右魯宗貴玲峰鵓鴿

莊惠曾論知弗知傳為奇語却無奇試如駁曰我非子

便是答云彼豈斯

按莊子濠梁之語惠子以莊子非魚因不當知魚之樂莊子以惠子非我

又安知我不知魚之樂謫詞說辨世以為奇語而不知其無奇也設使惠子更為反詰之詞曰因我非子故不知子之知魚與不知魚則子非魚固當不

春水初生具

春意文鱗羣泳愛文漪謾訾意淺色鮮耳頗類濠梁博辨時

右陳可久春溪水族

戲題四駿玉韉

玉人精鑿四名駒
拱手如前用備吾
八十老翁罷弧矢

此為頌也抑譏乎

淨練溪樓

山溪異川溪其源分有無川溪實有源其源恒在渠山
溪乃無源雨過名存虛昨者雨勢壯雖晴流尚俱憑樓
偶適逢淨練誠然乎稱練已假借假更非久居可以悟
一切何必耽區區

食蔗居

食蔗至本美此居因寓稱愜之漸入佳其言晰理精自

西謂之降自東謂之登降固易為力登亦非難升總造
谷深處巖齋幽以清喬木聞蟬響崎嶇數上聲鹿行是日
頗覺炎到此涼爽生設擬其漿寒亦殊善副名

小許菴口號

兩間書屋雙文額選字非求新與希每以興懷觸於景
恒思謹小慎其微

賦得清溪遠流六韻

山溪及川溪其異昨曾題

川溪有源山溪無源見昨題淨練溪樓詩此實無

源者固應資雨兮時霖非漲暴

今歲夏秋間每雨即快晴實慶罕遇

澗水

尚存低開鏡一奩朗調琴六律齊遠流知邇在

雖曰遠流然不

過滙山莊內西北諸山之水耳

近會得全提寧祇忘言耳還當忘筦倪

霞標

書屋冠霞標稀登緣路遙偶來遇如初得句興因超素
色曦光皎秋聲林籟調頌非擬王勃題乃緬

神堯

罨畫窓

霞標攀陟不來常憑攬新秋畫景張舉首錘峯正當戶
化工應識在山莊

雨

七月十三日

尚在三庚中秋雨那辭無快晴經五日真稱嘉霽乎十

日五日際其節曾詠吾

農家以五風十雨為吉徵惟六月間五日不雨即覺炎熱是

以丙辰夜雨詩有五風十雨吉徵常五雨尤稱夏令祥之句昨初八日得雨後至今正值五日婪尾之熟為之

減婪尾昨炎酷為霖所必須今歲弗驟霖澗壑鮮泥淤

未勞剔剷工行賞亦無需茲翻急陣過漲壅沙石俱修

治當受賚苑役羣歡呼

每驟雨後山莊內西北諸山之水下注澗壑多有沙淤熱河總

管例督千總及園丁等修治每即按名給賞無不歡欣翻望驟漲之沙淤也

晴

昨晚已散雲今晨雲散淨似此潤暄時實協夏秋令送
爽巖風落高暴秋曦映西成庶可卜吾惟益增敬

賜凱旋將軍福康安叅贊海蘭察等宴即席成什

去年此際未登程歲績今朝凱宴迎來往算仍先一月

福康安於上年八月初旬由山莊奉命前往督勦今以七月望後凱旋來此復命計期尚未及一年驅馳

真是賴羣英國威海嶠揚惟烈

祖德山莊佑實明迴憶旰宵斯擘畫不徒勞耳慰猶誠

慰中豈不自懷慙何致愚民蹈法甘論武邊防乃就弛

曰文諸吏率為貪

臺灣設立總兵道府大員如果皆能實心整頓奸匪何由匪跡乃武職不

以操防為事文職專以肥橐居心於是彼此牟利遂致吏治兵防日以廢弛而逆匪無所顧忌竟至釀成大案

債轅方悉誠吾過伏鑕奚辭信彼堪

逆首林爽文等滋事之始總兵柴大

紀始則以回郡調兵為辭繼則遷延不即前往勦賊方以困守諸羅邀予憐憫及福康安等至彼方悉其債事

之由己令革職拿解治罪彼實不能巧言置辯也

善後雖云大端定猶餘厯念

望東南

福康安於平定臺灣後命留彼詳酌善後事宜大端已定惟是有治人無治法因思普吉保於

臺灣總兵名望未足以資彈壓而奎林獲咎尚輕其操守訓練乃所深信即令往代普吉保為總兵庶可望其

整肅戎行俾東南海隅永臻寧謐

善後詳陳十六條用斯兩月駐成遙

臺灣善後事宜必得福康安之忠誠

明練方可籌畫及詳陳事宜十六條果皆志中弊源命迂臣集議准行而福康安歸期以此遂遲兩月

抒

猷山海安萬姓錫宴君臣會一朝念汝父當愜懷永視

如予合受恩饒受恩饒處人知否不嗜殺邀

天惠昭

逆匪林興文等固屬罪大惡極然亦有良民被其迫脅者志予駢誅亦殊可憫瀕行時因即諄

戒以脅從罔治之義而福康安果能體予之心專意生擒渠魁惟抗拒者痛加勦洗凡歸降者概從寬貸即此不嗜殺一念乃其克膺恩眷者也

西域金川宴紫光臺灣凱席值山莊敢稱七德七功就

予自即位以來弗敢輕言用兵然前此平伊犁定回部收金川誅王倫翦蘇四十三洗田五及茲俘林興文而七要皆不得已而用之故皆仰邀天鑒俱獲成功若唐太宗之侈陳七德以為己功則實自慙耳又

報一歸一事償

往歲緬甸之役亦由事非得已彼時將計日歲事予以水土惡劣憐我將士多

受病者適緬酋亦籲求貸罪遂令撤兵乃二十年來業已置之度外近據雲南督臣富綱奏新掌緬甸國事孟隕進貢稱臣是此一事雖未就於當年而此日之歸誠亦可償予夙願矣戒滿持盈增惕永

安民和衆繫懷長養年歸政應非遠益此孜孜勵自強

河南巡撫畢沅奏通省渥澤優霑秋田暢茂情形

詩以誌慰

河南早報春膏渥河北旋稱夏雨滋繼此依旬被優澤

更欣隨霽恰宜時

豫省河北三府春膏雖未霑透幸六月初七八等日甘霖大霑未種之區

俱得補種晚秋雜糧茲又據畢沅奏彰德衛輝懷慶三屬續於六月十四五及二十六七八等日節次普霑十分酣足而每次大雨之後隨即開霽依旬降澤暢雨調勻其開封歸德河南南陽陳州汝寧暨許汝陝光各府州屬亦於前月中下二旬及本月初一二等日頻霑透雨當此田苗滋長之時屢沐甘膏長發倍速現在青蔥

過野兆豐有象
民情歡悅倍常
秋禾茂長堪期
稔市價胥平無藉資

夏初

慮河北得雨過遲令該撫於河迤南糧價平減之區預買麥十萬石以為協濟之用已陸續運過四萬餘石設厰平糶茲又奏稱自渥澤普霑已後田功大起而蓋藏充裕之家見秋成可卜俱將儲積餘糧爭先出售以此市價漸平赴糶者甚屬寥寥現在實可無須平糶因即以未糶之麥抵補從前賑濟案內動缺穀石是倉儲亦可漸歸實額覽奏更深欣慰

額以手加為民慶更思戒滿益夔夔

湖廣總督舒常奏荊州被水情形詩以誌事

方伯來觀迴命速勘水患

前因舒常陞見後未奏回任日期諭令姜晟速往荊州查

勘水災嗣據舒常奏得信後已由水路起程前往因馳諭姜晟在省籌備一切舒常速往荊州詳志履勘妥為

撫卹茲詳具圖陳災重誠堪嘆

茲據舒常奏於七月初六日抵荊州城廂內外已經

半月餘而低窪處所尚有積水二三尺及四五尺不等居民或渡赴沙市或仍歸涸出原屋現在城上搭棚棲止者尚餘萬人共淹斃大小男婦一千三百六十餘名口坍塌瓦草房四萬餘間并將沿江漫潰堤塍及衝坍城牆處所繪圖呈覽雖據稱連日天氣晴朗各即散給米糧餉口然覽奏被淹情形深堪憫惻究其所以然堤決江水灌城隍及屋舍圯壞過大半賑救可惜費發帑二百萬祇應勉無遺莫漫言無濫

叶

尋思堤衛

民茲衝廿餘段斯乃築未堅司事罪須按

荊州沿江堤工例係民修

此次被淹較重何忍令此災黎自行修理即令動帑興修並將來修建城垣衙署及撫卹兵民之用需費浩繁

早飭戶部撥解庫銀二百萬兩應用仍令阿桂等約計如尚不敷再為續撥惟是該郡護城堤工甫於四十四十六兩年被水後共借帑十餘萬兩修築如果工程鞏固即或驟遇江水漲發亦不過衝潰一二處何至如此次決口二十餘處之多自因此項工費仍須帶徵歸款向無保固而承辦之員未肯實心經理甚或任意侵漁以致無辜小民遷罹災難若不從重治罪何以懲儆貪頑悍民理命多匪費弊無

算吏治廢至此大災寧免見此而弗整飭吾豈誠老倦失嚴吾宿戒失寬吾過現固不為已甚去甚理應辦吾

過先自責濟猛衆休怨

荊州堤工潰決二十餘處固由承修之員不力亦由該省吏治

廢弛所致無怪近年有孝威活理多命及鹽務重派匣費等案因諭令阿桂等詳查現決堤工如在十年以內

興修者將承辦之員嚴叅治罪著落賠補並該管道府及督撫藩司等一併分別議罪攤賠嗣後亦即照此定限叅處予於地方偶被偏災勤恤無微不至在督撫等既負予委任予亦不得以猛濟其寬以期政和

處暑

七月二十一日

昨朝婪尾熱非常晚雨霧霏霽夕陽作陣驅雲今處暑應時符節曙生涼袷衣猶怯卯臨政彩筆堪題酉什章珍重不能輕著句中心慰望敬無遑

留京王大臣報晴雨應時詩以誌慰

今歲夫何幸雨暘南北同

自駐蹕山莊兩月以來晴雨應時留京王大臣奏報每稱

數日即雨而
即晴於稼有益
每逢嘉霽渥隨即
烈曦烘禾黍穗將實

菜蕎苗益茂築場雖已近未敢便言豐

臨芳墅

虹橋源水向東流

長虹飲練為三十六景之一橋下流水為山莊內御湖之源

別墅

臨芳據岸頭是日乘閒聊凭座往時泛月此開舟弗為

之矣六年閒可忍乎哉七字酬

向年駐山莊每於望後登霞標待月升跋馬而

下以寓習勞之意辛丑即未如往例而壬寅尚於此登舟泛月因有塞湖此景不可孤之句嗣以夜間水面氣寒非調攝所宜於是弗泛月者又六年矣然究未能忍然於懷也

滿目亭亭君子卉於

斯數典那忘周

清暉亭題句

亭子東臨沼每先受曉暉
銛峯吐烏影列水漾漪
暉藉

問清何寄惟於暘若依

時晴然後知清
景之相宜耳

聖人題詠處

亭匾
祖御筆也

皇總寓勅時幾

靜賞室口號

既云靜矣應無賞何事賞
仍以靜名遠者情而近者
性其施性亦不離情

登四面雲山亭子

每以高秋登一度今年秋景更犁然前朝處暑炎都洗

雨預日昨日淡天宇朗懸可弗迴亭騁目鏡俯臨曠界暢

言泉近乘興憶昔乘馬老不覺同駒影遷

事定

事定閒迴事始思慎哉惟是在行師要於不棄鑒人品

上年

黃仕簡渡臺灣勦捕逆匪林爽文等乃以病後昏憤株
守府城臺無謀畧若非予於上年正月間命李侍堯代
常青為總督而以常青代黃仕簡安知黃仕簡不且為
賊裹去及常青至彼亦未即能尅期勦洗因於八月間

復命福康安海蘭察等率領巴魯圖百餘人及川楚黔
粵之兵前往生擒逆首迅奏成功然常青在彼數月當
賊勢猖獗之時尚能保守府城不至債事是以此時來
京仍令為部統予於諸臣功過鑒別志本至公權衡不
肯以私弗曾輕受彼欺總兵柴大紀在諸羅數月屢奏
被團忍飢固守情形覽奏深加

憐憫恩賜伯爵以示寵眷乃無意之間於德成自浙勘
堤回京復命時詢悉柴大紀之聲名狼籍隨命福康安
李侍堯等查訪廉得其平日種種貪婪廢弛營伍以致
賊匪得以肆逆及在北路閱兵一聞林興文滋事不即
調兵殲賊轉回郡城嗣兵既調齊又復怯懦延挨不進
情事此亦天理昭彰悉令敗露因命拏解來熱河廷訊
後即行正法究亦此日已經成凱宴昨年猶未啟程時
不至受其欺蔽也

安於上年八月初間在山莊始奉命前往茲於
七月十六日回山莊凱宴計期尚未及一年
海疆者

定誠神速

天眷躬承勵惕寅

仿李迪雞雛待飼圖即用題迪畫韻

待飼摹李畫吾心重


平聲

念之設如歉歲值誰救小民飢

獨我誠深懼諸臣願共思子與舉稷語應各慎攸司

偶詠宋人名流集藻畫冊中李迪雞雛待飼圖惻然
有懷於災壤飢民之無救也因摹其畫成什命泐石
以示為民父母之官題李詩並書於左

雙雛如仰望其母竟何之未解率場啄誰憐空腹飢展
圖一絜矩觸目切深思災壤民待哺慎哉羣有司



御製詩五集卷四十一

欽定四庫全書

集部
御製詩五集卷四十二

欽定四庫全書

御製詩五集卷四十二

古今體五十二首

戊申八

伊犁將軍保寧奏布魯特壽婦一百六歲既賜之

貂帛並詩以紀事

耕牧伊犁卅歲仍

自甲戌平定伊犁後二萬餘里咸安耕牧迄今五十餘年世際純熙祥登

仁壽茲據伊犁將軍保寧奏布魯特卑班壁特之外疆母今年一百六歲昇平人瑞達通胥微深為欣慰

欣報百年登祝釐乃以遣子告獲健還能遇馬乘

保寧並奏

畢班壁特稱伊母身體健壯尚能乘馬以係婦女不能
前赴伊犁遣子詣將軍處稟明伊在遊牧地方恭祝萬
壽等語因加恩賜大緞二疋貂皮六張伊子前來具稟
禮儀恭順亦屬可嘉並賞給藍翎以示優獎高年無間
至意外 貂幣用頒貞壽獎干戈早輯禮儀興深維初念未
期者保泰惟增業與兢

曉涼

曉涼恰合仲秋天午熱依然欲脫棉不有皜曦騰烈暴

安能萬寶熟三田

謂上中下三等田也

晴量平聲雨較時幸過

大凡較量

賜雨應在春夏及初秋茲臨仲秋收穫將逮可以少紓慮矣

桃實桂華節在前似此

應教憂畧釋讀洪範究未能捐

近著讀洪範之作謂予天佑建五福五

代之堂自省六極幸無其五而不能去其一者曰憂蓋
春憂雨之不足夏憂雨之或過秋憂歲之不登冬憂雪
之未降至於古稀說之八弊時憂其或萌合眾中之萬
民時憂其失所謂先天下之憂而憂者非惟不能去
亦不忍去更不敢去也今歲幸雨暘以時豐收在望
憂可畧釋而萬幾日理惕勵之忱究無時可懈耳

雨

八月初六日

曉涼午熱蒸為雨傍晚達昏綿作霖甫曰斯時釋較量

近作曉涼詩以秋收將逮有晴量雨較時幸過之句今日之雨却非收穫所宜仍復盼晴轉答前言之早矣

頻看秋宇正陰沉咄哉自咎言之早望矣其晴祝不禁

入夜西南雲漸薄明當快霽始紓心

湖南巡撫浦霖奏報早稻收成數詩以誌慰

湖南七十四州縣早稻九分報獲俱溆浦華容水雖被

晚禾補種歲無虞

據浦霖奏湖南省本年雨澤充足田禾暢茂通省七十四廳州縣早稻收

成實有九分有餘內惟永綏桂東二廳縣不種早稻又溆浦華容等縣因五六月間雨多湖河水溢低田間有被淹之處現在已將涸出者補種晚禾雜糧俟中晚二稻收成時再加確查等語築場納稼農

家慶價減市平民氣娛却縫北鄰昏墊者未成災處似

茲乎

又據奏湖南省城現在早稻業已刈獲中稻即可以次登場其餘各府州屬築場納稼雖畧有後先

總不出七月之內高原下隰實屬一律豐稔六月分各處米價較之五月分又復遞減轉瞬新糧入市時價自益平賤覽奏為之欣慰惟燼念湖北省除荊州被水成災地方外其各屬亦有被水及未被水之分其扶成能似此普獲豐稔否尚未據奏到仰盼馳稟章以慰廛注

喜晴

八月初十日

甫晴

初七日

復雨

初九日

勢愁多望霽躊躇當若何夏仲秋

初幸時若秀成實逮却虞過

現屆收穫之時正宜曝曬昨日之雨微熈其過幸今

早即放
快晴

因思萬事全艱得惟勵一心敬不磨晨起徂雲

碧天淨紫微佳句正宜哦

賦得六藝道德本

得行字八韻
順天鄉試題

道德有深本發為六藝呈內端自表外實責先

去聲

循名

雖舉疊三數應存祇一誠禮惟式規矩樂豈在音聲射
固幼來習御斯久未明作書心要正會數理嘗精有覈
班文著藪叢李注評學而優仕者激潤勉躬行

命於臺灣建福康安等功臣生祠詩以誌事

三月成功速且奇紀勲合與建生祠垂斯琬琰忠明著
消彼萑苻志默移臺地期恒樂民業海灣不復動王師

曰為曰毀似殊致

近年以各省建立生祠最為欺世盜名惡習因令嚴行飭禁並將現有者

緊令毀去若今特命臺灣建立福康安等生祠實因臺灣當逆匪肆逆以來荼毒生靈無慮數萬福康安等於三月之內掃蕩無遺全郡之民咸登衽席此其勲績固實有可紀且令奸頑之徒觸目警心亦可以潛消狼戾是此舉似與前此之禁毀跡雖相殊而崇實斥虛之意則原相同孰能橫議且勵大小諸臣果能實心為國愛民確有美政者原不禁其立生祠也

崇實斥虛政在茲

中秋疊去歲韻

歸政春秋七弗賒山莊度節似京華迴思籌筆勞除逆

茲幸銷兵早靖遐

上年此時正值籌辦臺灣軍務今歲當此令節大功久已告歲又幸秋稔

可期喜與塞上吾民同欣
玩賞佳興固自不同也

坂穀稔登塞上室林枝都作

月中花百年休養人民甯靜聽笙歌萬姓家

即鹿

即鹿无虞政豈妨火鎗命中事之常

火鎗幼年所習今雖年近八旬間於

御圍即鹿尚能命中如常

欣於自獲輒頒賜

每御鎗得鹿輒即頒賜
扈從大臣等既以示惠

亦自幸精力尚强不覺其勞也

不覺其勞亦勉強取少戒多適林壑

原濯圃似牛羊因之九五推尋義不敢屯膏博施覆

按屯卦九五之屯膏朱子注以為九五坎體有膏潤

而不得施為屯其膏之象予以為易理所包者廣五者君位膏者惠也屯者靳固而不與也為君者靳固其惠而不與小或可稱為節儉大則民受其害為凶孰甚焉又小為臣大為君臣或以慎出納節濫用為詞然必以正始為得吉若不正則為言利之流亦見其凶而已設為君而屯其膏則雖正亦凶不待占也因申其說如此

直隸總督劉綎奏報通省秋收九分有餘詩以誌

慰

常年關外勝關內今歲內收較外勝下隰高原各例異

截長補短九分稱

直隸春夏之交永平遵化二屬得雨較優迨四月二十以後順天保定正定

河間天津宣化順德等府及易州等各直隸州所屬均亦次第獲霽甘霖禾苗長發惟廣平大名二府於六月初旬始得雷透然此後雨暘時若早晚禾稼亦皆暢茂秀實茲屆成熟之期據劉義奏永平保定河間天津正定遵化易州趙州深州定州十府州屬均約收九分有餘順天承德宣化冀州四府州屬均約收八分有餘順德大名二府屬并口北道所屬之張家口獨石口二廳均約收七分有餘廣平府屬約收七分合計通省秋收約九分有餘等語是各屬雖有得雨較遲之所亦幸有秋截長補短尚獲上豐實屬仰蒙

吳貺欣慰之餘益

增乾
場 幸茲宵旰愁而得益用惕乾默以增披覽奏章信

云慰慰隣驕矣戒猶仍

山莊啟蹕木蘭行圍之作

中秋恰度餅瓜筵啟蹕行圍例按前益壯老當語猶古
自疆不息卦惟乾川塗潦退幸非沴北遜南收厯閱田

往年秋收開外率勝開內昨據劉我奏保定河間遵化
等十府州屬約收九分有餘其承德等府屬約收八分
有餘是今歲秋收雖北遜於南然蹕途
周覽農田漸次刈穫已屬豐年景象 逮八旬將罷乘

騎欣茲一再尚鳴鞭

山東巡撫長麟奏報通省收成九分有餘詩以誌

慰

山東春旱麥非穰入夏以來若雨暘梁下黍高胥稔獲

幸斯

秋補彼旱

足災償

山東去歲豐收冬雪又溼是以今春種麥頗廣不謂愆期等五

十四州縣春澤愆期麥收歉薄幸自入夏以來得有透雨大田一律普種嗣後暄潤得宜各屬田苗無不暢茂茲據長麟奏高粱黍穀業已登場晚禾雜糧亦於八月內俱可收穫約計秋收分數泰安東昌沂州登州四府臨清濟寧二直隸州屬俱有十分萊州濟南兗州三府屬俱九分有餘武定府屬約有九分青州曹州二府屬俱八分有餘合計通省約共九分有餘等語欣茲秋稔春歉可償覽奏深為農慶

價平自是娛

黔赤穀賤應教計蓋藏慰以為慚默忖處祈年外政鮮
奇方

入崖口

八月二十
是日雨

昨夜廉纖雨伊邇

平聲 蒙古語九
數也此處河九曲

水漲波繞行自東

峪駐蹕本平坡

往年入崖口過伊邇河六道俱預設有
橋梁今歲木蘭秋雨既多昨又宵霖連

旦未止河水漲發因繞東峪山梁至四道
河復歸往年舊路仍駐蹕阿圭圖大營

即論麥堪種

亦嫌澤過多

今年夏秋雨暘時若大田既可稔收即播種
秋麥亦資霑潤惟八月以來正值收穫之時

反覺雨澤過多
亟望晴霽耳

徘徊亟望霽武帳遣愁哦

詠李廣射虎玉韞

無心貫石有心弗至理由來非詭文莫怪刎身屈絕域
霸陵禍伏故將軍

按李陵謂廣徒失貴臣之意刎身絕域之表此雖痛
父之意耶然廣因忌霸陵醉時之呵請與俱至軍而
斬之以小恨而擅殺人則其死亦有以自取之也

題李早寒林獵騎圖

獵騎寒林景細摹題名李早半模糊

是卷題款模糊惟
卷首有華殿鋪陳

翊李早畫八
字依稀可辨

猶存字木七言詠

字木魯耕元人也詩固不佳意乃失其本色

實類胡瓌卓歇圖

胡瓌五代時人內府舊藏有卓歇圖此卷筆意似之

每恨章宗

乖舊俗

李早金章宗時人章宗為世宗嫡孫封原王判大興府事入以國語對世宗喜甚嘉之及即位

後以典章文物為急而於詰戎肆武棄之如遺遂變祖宗舊風國勢日弱

却欣學士不過諛

卷後趙子昂跋謂行筆少俊利

秋蒐武帳偶展閱歷歷其人若可呼

罷獵

仲秋下澣雨殊常九曲伊遜平聲增漲狂行繞山巔駐武

帳俯看崖口闕興梁

向年入崖口過伊遜河不過設有略約即可經過今秋雨大潦漲異

常雖自山路繞行至御營而危從人等行李車輛以橋
木構成率皆阻隔是以罷獵旋蹕總緣崖口咸漲難構
與梁也為憐萬騎行李且報千溪如獵場今歲園中久雨異常以致

各山溪水漲發即各獵場率多沮洳不可佈園即鹿无虞不如舍寧當一律視

山莊

近為山莊即鹿之作有即鹿无虞政豈妨火鎗命中
事之常之句茲末二句反其意蓋山莊內雖有崇山
峻嶺然總在石城之內如園林故常因遊山遇鹿即
發火鎗中之茲木蘭中千巖萬壑雨後沮洳實不可

佈獵騎行圍故即命罷之其獵騎縱未供役憐其已
來命照向年之例減半賜與

浙江巡撫琅玕奏報早禾收成分數詩以誌慰

南方所重稻禾亦佐民餐況復收之早分成九以寬

琅玕

玕奏浙省除杭州府屬之海寧仁和錢塘三州縣及嘉興湖州二府屬向不種植早禾其餘各縣並玉環一廳本年入夏以來雨澤調勻所種早禾俱屬暢茂茲查明約收分數杭州府屬之富陽等六縣寧波紹興溫州三府屬約九分有餘台州金華二府屬約有九分嚴州處州二府屬約八分有餘衢州府屬約有八分內惟遂安淳安開化西安四縣各僅七分有餘而被水涸出之處不過通省一隅補種雜糧尚可一律有秋統計通省早

禾收成共有九分民間糧價本自平
減早禾又即登場民情更為寧謐
築場齊納後謂糧及
雜糧比戶可期安豈不為之慰
繼思保泰難

迴蹕至避暑山莊作

萬衆追隨阻潦路千人跋涉罷秋圍

蒙古圍用一千二百騎謂之千者取

成數耳今秋雨多伊遜河水盛漲扈從人等雖俱至大
營而行李車輛俱為水阻即圍場中地亦多沮洳不可

跋涉因命罷圍仍取徑山巔旋蹕

徘徊行館緣遼待瀟灑山莊重莅歸

至張三營行館因未及涉河之人尚衆駐蹕數日
以待幸連朝晴霽迴蹕山莊眺望秋光稍為心懌八月

遽消九月連紅林暖讓綠林稀

向年重陽前迴蹕園中已多紅葉今歲天氣和

暖已遠九月而紅葉尚稀
綠林猶盛景色頗殊往歲駐因緬使加宴賚豈為遊觀
懈勅幾

署河南巡撫梁肯堂奏報通省收成八分有餘詩
以誌慰

八分亦可稱中稔春旱深虞此望無所幸夏霖霑甫吟

因邀秋熟慶農夫

豫省本年彰德衛輝輝懷慶三府春雨未能霑透時切綢繆嗣於夏間甘霖

大霑農民均即及時趕種茲據署撫梁肯堂奏稱現屆秋成三府所屬一律有收所有一百八廳州縣內約收十分者光山固始二縣九分以上者新安等二十六州縣八分以上者祥符等四十五廳州縣七分以上者通

計等二十八縣六分以上者林縣等七縣通計約收八
分有餘等語迴憶春間深慮未能得此秋獲茲幸猶稱
中稔既慰益勵度寅截長補短合省計九遜七饒報歲輸穀獲價

平民氣豫慰哉惟與敬為俱

賜宴緬甸陪臣即席六韻

滇南金葉緬文呈來者徠去聲之嘉至誠昔日歸降此歸

順已丑命經畧大學士傅恒征緬其冬連破賊壘於新街江裔業將乘勝攻取老官屯旋因其乞降班師然

亦不過姑貸其罪究未臣服其心也茲該國掌管國事
孟頤遣大頭目三人及小頭人等賞金葉表文及金塔
馴象等物款關進貢並稱其兄情駁傳子贊角牙同時
為惡獲罪天朝而伊與情駁父子素不相睦今特差心

腹入貢投誠乞恕已前之罪永作域外之臣等語是此日歸順之心出於至誠深堪嘉悅不惟無戰

並無征閉關未可學光武馳諭原非遣陸生方伯猶搜

遮去吏

富綱於緬甸貢使不即令其前來瞻覲又復跟究楊重英下落甚為錯謬楊重英僅一臬司隨

軍辦理糧務被其遮留並非奉使之臣可比乃令該頭目等復遣人回國告知該國長倘彼心懷疑畏寧不阻

其恭順之忱已傳旨嚴行申飭

外臣兼獻未回兵

嗣奏緬甸將楊重英送出已於七月初二

日抵內地耿馬地方並帶出從前失迷兵丁四名及廣東民數人益見該國長實屬傾心向化今該頭目等至

山莊拜進其國長之表因厚加宴賚以示殊恩

山莊宴賚逢佳節

是日重九

海國車

書遵大清惇史漫稱增此創皇圖惟慎奉其盈

驛章

河督馳驛章懼然心為悸

初聞河督蘭第錫報至慮係河工要務頗為心悸及加披

閱乃報沿河地方得雨情形惴思方定

問知四百里徐乃定惕意却報得

甘霖謬稱聖德致過情不虞譽所鄙素予志況其得雨

日正值迴獵際

本年以木蘭陰雨過多園場沮洳不克舉行秋獮予方引以為愧乃該督所奏

得雨日期正值迴獵之時並有聖德所感等語殊為陋習彼處情殷望澤固應稱頌茲北地轉嫌其多又將孰任其咎庸幕不達事理率以浮譽獻諛甚覺無謂

迺南稱其佳在北愁其滯設

云頌所感應誰當其罪以水旱論政從弗諉大吏若以

定賢否諱災應不啻

予自臨御以來無日不以各省雨暘繫念即或偶有偏災從不以此

定地方官之賢否至近日荊州被水亦因該省吏治廢弛平日既不留意堤工及害金洲漲沙逼溜輿論已久又復漠不關心是以加之譴責若以偏災歸罪必至習為欺罔國家撫馭萬方保無偏隅旱澇惟是遇災即籌賑恤斯為愛民實政至於諱言災沴甚且徒為虛譽實所弗取因念督撫中似此虛詞稱頌者正復不少並即通飭諭惟戒其諱災有災勤賑濟盡心而已矣示懷吟五字

避暑山莊迴蹕駐喀喇河屯行宮作

秋獮緣霖卒未行山莊宴賚禮胥成因之云返三朝早

仍按由來六日程

今歲既以秋霖罷獵而山莊宴齋使亦於重陽日禮成因於十三日迴

蹕視往年較早三日其行程則仍按行宮駐宿於十九日至圓明園曉霧楓林似花看杜用

詩意是日霧

午晴松牖映書明往還箇裏原無著適可徘徊

悅性情

阿桂奏報荊州被水緣害金洲漲沙激水之故詩

以誌愧

江陵衆何辜江決為大沚旂民悉昏墊棲身無片地嗟

嗟我赤子流離生計廢南望痛已

讀幾韻

傷視如猶不啻

重臣遣詳勘發帑資經濟

初聞荊州被淹情形甚重即命阿桂馳往查勘并發戶部

帑金二百萬兩以為撫卹兵民及修建城垣衙署之用

郡城屢被水受病必有自

茲乃悉其故病源陳詳細城南窖金洲漲沙逼水勢蕭

姓薄納租種葦貪得利葦結根益堅護沙寬更致江溜

向北趨長堤日浸漬而堤復弗牢決匪出不意

茲據阿桂詳細

陳奏荊州屢被水患實因大江中有窖金洲一道約長十里寬五里侵佔江面漲沙逼溜而本地蕭姓民人於

雍正年間至乾隆二十七年陸續契買洲地種植蘆葦每歲遇洲沙漲出蘆葦即環洲而生逐漸培植蘆根盤

結日固漲沙倍加堅實雖蕭姓每年亦納課百餘金然所納甚微而獲利甚厚滋患愈大江本至郡城上游折

向東北直趨堤根而此洲復佔據江面十分之六七非惟不能容納悍湍亦且逼溜潰堤兼之承修堤工之員以工本係民修不為經久之計以致十年之內屢被沖潰至此次數萬生靈且受其害此固不得諉之盛漲出於意外矣已命將蕭姓查產治罪並據奏將洲地所產蘆葦盡行刈伐剝掘根株設江挑溜南向再為相幾開挖引河以冀冲刷沙洲不致更有壅障大吏方茫然謂與茲無事輿論久及

茲付於不問置人之度量越豈不遠哉異

阿桂未至荆州之先據舒

常奏沙市之觀音寺太山廟從前堤潰江水灌入內河迴溜倒漾淹及城根而水勢紆緩故得堵護無虞自兩次倡項修築之後今年如此盛漲觀音寺太山廟兩堤俱照常堅固是此次郡城被水與害金洲無涉等語及阿桂至彼悉心體察博訪輿論該處官員及兵民人等眾口一詞無不以害金洲侵佔江面漲沙逼溜為言且

言之不自今日始茲閱繪具圖株頗為明晰舒常平日既不能留心體訪此時轉以為與害金洲無涉當此民命攸關之事猶復意存諱飾人之度量相懸何至於此

圖已緣蠹民

謂蕭姓

視膜由

羣吏使早據實陳應別為之計茲方與大懲遲矣予之

罪

害金洲因沙漲而成此非農服先疇者可比然奸民固藉有陞科之名貪圖重利而地方官亦俱視同膜

外不復遠慮督撫等又不加察以是因循貽患至此極若不嚴加懲治誰復留心民瘼因將該省十年以內之督撫藩司等分別罰懲以誠將來惟是無辜之民已罹此災而未能為先事之防予亦不能不引為已咎也

因而絜矩思前車戒斯示江湖及河淀豈無沙淤暨永

禁民占耕并屏

上聲

陞科議

因思各省如黃河外灘以及西湖淀河各省濱臨湖陂等

處似此私佔耕種者甚多雖已屢經曉諭飭禁而地方
官吏保無從中分肥藉口陞科輸納少許以為却過之
地迨一經清決不特附近居民咸被淹沒而修築撫綏
糜帑倍蓰此其利害顯而易見因再傳諭各督撫當以
荊州蕭姓事為前車之鑒必須實力清查嚴禁不得妄
報陞科許民私佔水地誠能為曲突徙薪之謀當不致
更遭水患然予竇愧言之不早也然已言之晚曲突徙薪譬引咎惟自
責長言誌心愧

湖北巡撫惠齡奏報通省早稻收成七分及糧價
情形詩以誌慰

江陵逢重災餘屬亦行潦嗟嗟吾赤子恫瘝切在抱

叶

茲覽撫臣奏各府收早稻截長以補短仍得七分報

北湖

以本年五六月內大雨時行伏汛盛漲不獨江陵水勢
漫溢其附近內江外河各屬低窪田畝多被淹浸然高
阜處所均屬有收茲據惠齡奏通省六十八州縣除應
山等六縣向來不產早稻其餘州縣據報九分有餘者
一州九分者四縣八分者四十八州縣七分有餘者一
縣七分者七縣合計通省早稻收成共七分有餘現在
市價中平等語是各屬雖有偏災而早稻尚屬中稔足
資接濟况又據稱江水漸落雨暘應時中晚二稻瞬即
接續登場閭閻生計益
當充裕覽奏為之稍慰
麥秋早獲豐市價中平校佇待
中晚收仍可平減糴南望稱稍慰慰豈勝慙悼

迴蹕至御園之作

乘興此去乘興返

向詣山莊必乘馬啓行既寓習勞亦以示健意至八旬可以遵養上年詩

因有擬待八旬罷鞍馬之句今夏以僕臣遲誤御馬遂乘肩輿就道非予自度精力以策馬為難也四月

光陰迅似飛望八旬旋閱八載祛惟危在守惟微至緣

秋仲罷獵早

今秋木蘭雨大圍場地皆沮洳故罷獵而歸較當年至御園早數日

覺異常

年獵罷歸柳綠楓丹繪園景刻詢臺報攬遊稀

今夏駐藏大臣

慶麟等忽有廓爾喀部落侵犯衛藏西邊之報是以撥兵籌餉日勞於心問報不論晝夜今日迴蹕至御園適

接慶麟奏廓爾喀聞大兵將至已釋圍竄回即命書旨馳諭機宜大兵不可因賊退即迴若賊聞我兵已迴而

復未成何事體必當示以兵威令其知畏不敢再犯以期永靖遐邊

湖廣總督畢沅奏荊州積水全消室廬漸復詩以

誌慰

時屆秋深積水消披章畧覺慰心焦四鄉次第涸補種

各屬重輕惠施

去聲昭

湖北今年荊州一帶猝被江水淹浸當發帑金二百萬兩節次降旨

該督撫等督飭地方官實力撫恤並飭速給卹房脩費以資補葺茲據畢沅奏該省被水之區三十六處荊州

最重次則公安監利石首漢川黃梅五屬較輕者松滋枝江漢陽沔陽黃岡長陽廣濟江夏八屬其餘二十餘

州縣水退甚速尚不致成災現在荊州府城積水全消四鄉亦漸次涸復民間已次第補種蒱穀菜蔬冬麥等

項所有被災較重地方俱已按月散賑即不致成災之處並酌量情形或予緩徵或借籽種分別妥為辦理至

被淹房屋得有修葺之費即日東工並舉無業窮民赴
工力作將來三冬寒沍餬口有資棲身得所可無凍餒
之虞等語覽之固覺稍慰然閭閻元氣豈能驟復南望猶深懸切漸見室廬有修葺庶
幾冬月免漂搖雖然尚切深憂者元氣安能復一朝

署河南巡撫梁肯堂奏報雨澤種麥情形詩以誌

慰

豫以麥為秋幸逢秋雨稠土膏九府潤播種四州侔

南

護撫梁肯堂奏九月初三四及初六七八等日雨澤優
霑通省九府四州所屬高下田畝俱已普被近日天時
晴霽農民無不及時趕種二麥旬餘以來先種者暢發
盤根新種者青葱出土現在糧價平減民情極為悅豫

糧價胥平減民情自樂休祈年吾意切此外更何求

上下江巡撫各報收成數詩以誌事

兩江各報收成數

去聲

上乃七分下九分

前因書麟奏兩江地方刈獲中

晚二禾情形未經分晰敘明因傳聞鴛元等將各該處收成數確查速奏以慰廛念茲據陳用數奏安徽

通省合計收成七分有餘閩鴛元

近北因教潦水被

安徽

沿江濱湖州縣既以水勢漲發間被淹浸收成未能豐稔至江蘇淮北一帶亦因六七月間雨水較多河湖盛

漲並有間放開壩之水 downstream 以致淮安徐州海州三屬窪下地畝被淹是以收成亦覺稍歉

遠南欣

得稔秋聞

其蘇州松江常州太倉四府州屬則收成十分揚州鎮江二府屬則收成九分有餘實堪

慰 界隣幸可通融濟轉堅實無饑饉紛

又據閭閻元奏淮北一帶被水

地方其退涸較遲未能一律豐收之區合通省而計不過百分之三四分而各屬麥收俱稔商販通融糧價

尚屬平賤仍恐向隅有獨嘆緩徵諭吏撫綏勤

淮北瀕臨河湖一帶本係

積歛之後今歲被水田畝殊堪軫念即降旨令將蕭縣碭山豐縣沛縣安東清河桃源海州江寧上元句容江浦六合十三州縣新舊錢糧漕米緊予緩徵其山陽鹽城阜寧三縣雖有薄收而新舊錢糧並徵亦未免拮据並令將舊欠緩至明年秋成後徵收以紓民力俾免向隅之嘆

署山西巡撫海寧奏通省秋收八分有餘詩以誌

慰

八分餘獲稔之中迤北春膏欠失豐

海寧奏晉省秋禾約收分數太谷等

十九州縣約九分有餘陽曲等二十三州縣約九分太原等八縣約八分有餘榆次等三十四廳州縣約八分祁縣等八廳州縣約七分有餘石樓等九州縣約七分豐鎮等三廳縣約六分有餘汾陽等六州縣約五分有餘合計通省約收八分有餘等語晉省各屬本年雨暘時若大田均慶有收惟大同府屬春間得雨稍遲未獲普豐然總計通省八分有餘尚稱中稔

却已閭閻道饑饉幸教場圃致盈

充更欣秋雨隰原渥爭播甫田薺麥同奚藉重申餘九

諭由來知儉是唐風

陝西巡撫巴延三奏報秋禾雨澤及約收分數詩

以誌慰

各屬足秋雨收成約八分

前據巴延三奏陝省入秋以後雨水霑足茲又奏稱八月

初十十一兩日密雨連朝所種穀稂及各色雜糧正當結實之際得此雨澤顆粒益加飽滿其各屬約收分數

九分有餘者藍屋等七州縣九分者紫陽等八縣八分有餘者孝義等二十四廳州縣八分者富平等十五州

縣七分有餘者鄠縣等十五廳州縣七分者咸寧等十廳州縣六分有餘者甘泉等四州縣六分者醴泉等四

州縣通計八十七廳州縣秋禾約收八分等語過日正屆築場納稼之時豐盈有慶民情欣悅可知 寧惟

一心慰實為

去聲

萬民欣盜賊自當鮮

足衣食則鮮盜賊

蓋藏仍

合勤更希冬雪渥宿麥利耕耘

宴坐齋中有作

小春時節禁庭靜宴坐齋中理緒尋題句懶為奇特語

讀書恐負聖賢心祈農幸值場築普

今歲各省秋收惟安徽省報七分有

餘其餘俱在八九分以上可稱豐歲

問報那論宮漏深

夏間附近西藏之廓爾喀部落侵擾

邊界前因駐藏大臣慶麟奏廓爾喀聞大兵將至已即竄回但未經大兵示之以威倘我兵已撤而賊又復來

成何事體嗣又據奏廓爾喀復繞至列于地方有千餘人接續過河來近薩喀等語是真自投羅網我兵正宜

乘此痛加殺戮俾知震懾不敢再至滋擾庶可一勞永逸已諭令鄂輝等帶兵迅速前往不日想可聞捷惟道

遠馳奏少稽時日每夜問報至於數四不覺其勞也

昏墊荊州未蘇息

荊州被災甚重不惜

帑金命阿桂等前往妥為撫卹並籌修築城垣堤工等
事節據阿桂奏稱水已消涸兵民厚加賑賞並與修葺
房屋之資漸次興工不至失所然元氣豈能驟復
昨又馳諭詳詢現在情形午夜塵懷不能自釋
惟是愧難禁
安居

湖南巡撫浦霖報中晚稻通省收成九分有餘詩

以誌慰

湖南六州縣被水祗低田涸地補種遍高區仍獲全九

分餘計省

浦霖奏報湖南通省七十四廳州縣內除淑
浦華容安鄉澧州武陵龍陽六州縣因夏間

雨多低田間有被淹之處水涸後補種晚禾雜糧現在
逐加確勘外其餘各屬及淑浦等六州縣境內未經被

水之田中晚二糧均已登場收成九分有餘者三十廳
州縣九分者三十六廳州縣八分有餘者四縣八分者
四縣通省計萬姓幸逢年南望能無慰念其北益憐
有九分等語

邊報六韻

衛藏為黃教興隆之地內外諸蒙古無不以是為
宗所關事體大是以自康熙雍正以至今無不遣大
臣駐兵防守茲因藏之西邊廓爾喀部落犯界駐
藏大臣不能得其領要倉惶奏聞不得不發兵籌
餉晝夜籌畫茲疊據奏報賊退消息衆雖以為易

於完事而予則以為我武未揚恐我兵退而彼復

來詩以言志作邊報六韻

邊報頻稱賊退稀

節據慶麟等奏廓爾喀一聞大兵進勦即紛紛退遁雖又有千餘名由列

子渡河未至薩喀數日後又復無聲息賊眾無能已可
藥見但自畏事者聞之未必不俱以為喜而於此事之

開係實未
趕深計也眾心為喜已為非大都徒顧目前計

昨據慶麟雅滿

泰同日奏賊匪情形慶麟奏稱廓爾喀賊眾經仲巴呼
圖克圖及薩嘉呼圖克圖差人前往與之講論和解賊

眾於九月初六日由第哩郎古向聶拉木撤回通拉地
方次日移退過山所有第哩郎古之小鄉村俱經收復

等語聞慶麟所奏竟以賊匪與喇嘛等和解退去為幸
殊屬不曉事體已降旨嚴飭惟雅滿泰奏賊眾與喇嘛

私自和解尚不足恃現在賊衆接到檄諭自必心膽俱碎應俟成德等帶兵抵藏後再傳喚該處頭目前來嚴飭妥辦等語所奏尚微有未解深謀日後機我往彼逃氣概勝於慶麟之懦怯矣

事如順我還彼至咎誰歸莫追窮寇雖古語應撥

詩本實先

撤注撥去其根也

餘根示國威

廓爾喀侵犯後藏邊界川省內地不遠數千里派兵前往若大

兵未到之先賊衆因喇嘛與之私自講和迨官兵到彼不見一賊而還既屬勞而無功且廓爾喀聞大兵將到心懷畏懼遂借講和為名乘機逃遁將來我兵撤後安知不復潛出滋擾彼時或又須徵調勦捕尤屬不成事體此時成德當已帶兵抵彼或已藏退賊衆並將所擒濟龍等處地方全行收復則不為師出無名現又馳諭鄂輝迅速赴藏務遵前旨嚴行勦辦再傳喚彼處頭人令其立誓分定疆界使彼怖懾國威不敢再犯方為得

體蓋禦邊之道不在目前之寧靜須籌久遠之安全未可以窮寇莫追之語文其退懦遂忘遠慮致失先機也

宵慮肝籌勞豈願外寧內亢語難違

用左傳范文子語意

持盈惟

是佳兵戒禁暴安遐企庶幾

湖北巡撫惠齡奏通省中晚二稻收成七分有餘

並積水消退糧價平減詩以誌慰

湖北今年重沴行恫瘝赤子肝宵縈謂將何以度冬月

不料猶稱獲七成

湖北省因夏季雨水較多伏汛盛漲以致沿江傍湖低田多被淹浸前據

惠齡奏該省早稻收成尚有七分茲復據奏所有勘不成災地方及未曾被水各屬民屯田合計通省六十八

州縣并冀中晚二稻收成共七分有餘現在市販充裕
價值中平所有武昌鄖陽施南各府屬及蒲圻等三縣
並較上月稍減等語是實仰蒙
吳貺誠始念不及此也
通省計雖稍意慰一隅

嘆尚切心忤漲消宿麥勸耕普

又據忠齡奏稱被水田
地間有涸退稍遲之處

雖木及補種雜糧正可乘此翻犁佈種二麥其未經
翻種處所一律借給資本俾令及早種麥以待春收
籲春收救萬氓

署陝甘總督勒保奏甘肅收成八分有餘詩以誌

慰

弊行每歲報災被弊去連年遇稔頻

甘肅因王壘望等
冒賑侵蝕監糧是

以每歲虛報災以市利及大加懲治之後據
屈任督臣李侍堯福康安奏報屢歲稱豐 惟以實陳

飭諸吏弗因暹賦問於民

免冒賑開捐獎固在官而歷年

懲貪官之罪而弗忍追問貧民此治民之要也

中豐固幸安老幼偏鰥仍教賑

弱貧正值督臣同閱奏慰中增惕我君臣

茲據署督臣勒保奏甘省秋禾

統計收成八分有餘雖有偏被雹旱之平涼華亭武威
平番古浪皋蘭金縣狄道八州縣及被水之平羅縣屬
以收成稍歉請將本年應徵正借錢糧及舊欠銀糧草
束緩至來歲徵收以紓民力然數處秋收尚在五六分
以上不致成災而通省俱獲中豐實堪慶幸茲督臣福
康安自臺灣成功來京留之尚未赴任同閱此奏自深
欣慰也

微雪六韻

冬至月十九日夜

秋雨今年渥宿楚頗遍耕雖無臻早象已有望雲情颯
颯微涼作英英入夜生霏霏踰一寸開霽報三更歌枕
醒難寐聽壺惜為忤曉來京兆奏厭調潤苗萌

太常仙蝶詩

昔曾問之尚書三泰以為誠有昨召見侍郎德明
亦偶言及翼日德明以錦匣呈覽並云冬月入蟄
每不見茲忽至其家似欲入禁中者然詩以誌實

蠕動蟄之時來賓果是奇異夫羣物體觀此一仙姿鄉

久太常號

人皆謂之太常仙蝶合署人無不知而敬者

神超大造司欣茲百

年遇用誌五言詩

賦得日長一線

得齋字八韻

乾德貞元運陽迴萬物佳添斯一綿縷殊彼八磚階典

數杜詩始復看義象排訛因立竿候甚至服巾垂

按杜甫小

至詩云刺繡五紋添弱線是指女工之加增以為暑影添長之驗若元氏掖庭記所云刺繡亭邊有一線竿至

日命宮人把刺以驗一線之功雖云述杜却太著相至又云春陽一線巾為方士所進更涉不經矣暖閣

遲刀尺節辰進履鞋

冬至獻履貢機乃漢舊儀見魏曹植進表

莫非教孝敬

詎是表裙釵不遠占元吉惟增叶大諧

南郊迂初社顯若惕心齋

護理福建巡撫印務伊轍布奏報雨水收成分數

詩以誌慰

寅亮誠憐舊督賢

李侍克歷任總督素稱能事上年因勦捕臺灣逆匪調任閩浙駐劄廈門

辦理軍儲一切俱能迅速周妥隨即加恩賞還伯爵以示寵眷詎意秋間以肩背生瘡遂爾溘逝深為憐惜

撫臣海外未言旋

福建巡撫徐嗣曾上年渡臺灣經理糧餉事務既大功告成所有善後事

欽定四庫全書

御製詩五集

卷四十二

十四

宜雖經福康安於回京以前俱已立定章程然臺灣甫經平定不可無大員在彼安輯撫綏據奏年前當可旋省而此時則即真新簡方登道

前因李侍堯病勢未能即痊已令福康安馳往

暫行署任嗣得李侍堯之信因念海疆甫定非簡用重臣不可而福康安威名已著即令補授閩浙總督實於地方有裨但登途未及一月護理因之得奏箋

藩司伊轍布現在護理撫

家地方事務

禾稻秋收八分上原田雨澤七閩全

伊轍布奏

福建省城自九月十二三以後連次得雨各屬亦俱獲霑渥並奏報收成數九分有餘者永安等四縣九分者順昌等十二州縣八分有餘者屏南等十三縣八分者閩縣等三十一州縣七分者福清等四縣核計通省實在八分有餘糧價總我安渡鹿仔港乃繫苞桑釋遠平減民情甚為恬適

牽

七月間命奎林往代普吉保為臺灣鎮總兵已經數月總未得抵任之信為之縫念不置茲據伊轍布奏

奎林初次放洋後將抵鹿仔港被風吹回在永定澳登岸由陸路赴崇武澳守風嗣於十月初九日放洋十一日已抵鹿仔港登岸等語渡海守風亦事之常但奎林不即據實奏聞以慰廑懷殊屬不曉事體今得確信且慰且飭之

署河南巡撫梁肯堂奏報得雨詩以誌事

秋澤今年渥大都南北同所欣豫各屬又沐雨冬中

豫署

撫梁肯堂前奏九月內雨澤霑足二麥滋長茲又奏十一月初二三等日各屬均得透雨麥苗倍覺暢發宿

麥資優潤夏田可冀豐茲惟雪霑寸

京師於十一月十九日夜僅得雪一

欽定四庫全書

尚書
卷四十二

寸雖今歲節氣較遲而已屆
長至冀霑優渥殊深顯切

希霰正顯衷

冬至

南郊禮成述事

蒙嘉五十有三年饗

帝饗

親心並乾

父是為

天母天之子也

自謂百王承

眷厚

平年屆八旬精神強固又得五代元孫且五十餘
年來武功告成者凡七拓地二萬餘里厯數自古

帝王選厚未有如予者也

惟勤一已奉

裡虔幸叨各省歲稱稔

今歲各省收成俱報豐稔惟荆

過一隅中

之一隅耳仍冀三冬雪被田

今秋雨水霑足現在土地滋潤麥苗待雪雖不甚殷

然究望三白早霑更於農田有益

九奏已成欽望燎櫓街欲退意殷然

山東巡撫長麟布政使繆其吉各報得雪詩以誌

慰

撫臣適為聲聞兵南布政省城奏事堪

山東藩司繆其吉因撫臣長麟

赴兗州沂州二府閱兵公出徑先奏報省垣得雪情

形而長麟據就近得雪各屬所稟適亦同日奏到

以仲冬廿之日同欣得雪寸稱三

繆其吉奏省城地方及附近之齊河縣於

十一月二十日自丑至辰瑞雪皤紛積厚三寸長麟奏
登州萊州二府屬先於十月二十六七及十一月十二
日各得雪三四五寸不等而濟寧州亦於十一月二十
日同時得雪二寸有餘尚未止息現在同雲密佈勢甚
廣遠等語東省入秋以來雨澤均調播種麥苗極
廣茲得祥霽濟渥根莖愈資深固農民倍當歡慶早經
渥雨麥種廣益被佳霽苗潤含先此一朝寸霑一
京城於十一月十九日夜得雪一寸其勢自北而南故東省於次日亦得渥澤惟此間尚欠霑足不能不為之顙望耳

念他誠慰顧斯慙

夜雪

冬至月廿六日

傍晚同雲色中宵落雪花達晨益汗漫望宇正鬢髭詩

寓都官體畫標石谷家被

思惟有惕

自南郊大禮甫三日

銘感實無涯

直隸總督劉我奏報得雪詩以誌慰

節前雖得雪一寸澤猶微長至方三日優霑逮近畿

京師

於二十六日續得雪四寸餘旋接劉我奏保定會城亦於二十六七兩日得雪積厚四五寸又奏據房山等三十四州縣同時各報得雪自二三寸至八寸不等同雲普被逮近均霑實堪欣慰

積來盈四五

潤實普郊圻駢疊承

天佑惟欽勅萬幾

南河總河李奉翰奏報淮安等處得雪詩以誌慰

辛月廿三日雪膏自北南

自十一月十九日夜京城得雪一寸後嗣據山東省奏報

省城及濟寧等處於二十日自丑及辰得雪三寸茲李奉翰奏淮安清河一帶亦於是日自辰及申得雪三四寸不等蓋此次雪勢自北而南至南則更優耳漸前勢增大計寸四過三冬麥種原廣宿苗潤以甘所欣披奏際時玉喜

恩覃

今日李奉翰奏至適京城續又得雪四寸餘三白兆豐益欽

吳貺

山西巡撫海寧奏報得雪詩以誌事

山東昨霑雪即以憶山西遲日茲披奏各州待報齊

前月

山東省已奏濟南濟寧等處得雪情形海寧於日內方奏到因赴省南開兵於鮮州途次接據奇嶺興縣寧武神池五寨代州等州縣十一月初十一兩日報雪自二三寸至五寸不等其餘各屬尚俟報齊續奏又稱路過太原潞安澤州三府沁解絳三州所屬九月得有透雨土脉滋潤麥苗長發夏收可卜豐稔等語覽奏雖亦堪慰究望續奏雪澤普霑更為愜念耳

渥原秋雨遍獲可夏收後所重惟

農務蒙

庥敬益躋

兩江總督書麟安徽巡撫陳用敷各奏報得雪詩

以誌慰

月之下澣始雪澤北而南並報日無異都稱寸積三書

麟

秦江寧省城於十一月二十日得雪除融化外積厚幾
及三寸又據陳用敷奏廬州府屬之合肥舒城鳳陽府
屬之宿州懷遠鳳陽滁州來安泗州五河等州縣亦於
是日得雪積厚三寸等語此與日前山東所奏濟南濟
寧南河所奏淮安清河等處得雪情形時日分寸俱屬
相符蓋其勢自北而南地氣潛通祥雲應候綏豐有象
慰悅益深

根培滋固苗穎潤增含却望金閭遠亦應達奏

面前次十一月二十日之雪既自京師以及江寧遠近
相同想江蘇各屬自必均霑閔鶚元之奏早晚亦當

馳至
耳

江蘇巡撫閔鶚元報雪信至詩以誌慰

正盼江蘇信隔晨奏牘來融餘三寸積報並各州該

昨據

書麟奏江寧十一月二十之雪與長麟李奉翰陳用敷
所奏相同正盼江蘇信至茲據閔鶚元奏蘇城果亦於
是日自酉刻起至次日丑刻霽雪續紛隨落隨融積厚
仍有三寸並據常州鎮江松江揚州淮安太倉等府州
屬陸續報同日得雪一二三四寸不等似茲應
時瑞雪速近胥霑感荷

天麻益增欽惕

種廣麥

苗綠潤深雪色皚

天恩周近遠額手益欽哉

孫士毅奏報克復黎城復封黎維祁為安南國王

詩以誌喜

有序

安南自丙午年內訌不靖至本年六月故王嗣孫黎維祁之母妻幼子並從人六十二名口至斗輿隘河邊叩額救全維時有兵衆尾追勢甚迫急守關者收入內地查詢知為彼國土酋阮岳阮惠兄弟稱兵構釁攻破國都維祁播越在外其眷屬匍匐來投經撫臣孫永清督臣孫士毅先後馳奏予以該國世守藩封素為恭順且興滅繼絕事在九經使閉關不納聽其篡奪相仍置之不問又或乘危徼利取其土疆如

明代所以待陳氏黎氏莫氏者何以為奉

天字小之主因先命妥為安置優給餼廩資其陪臣歸報
並傳檄夷衆共起義兵恢復黎氏以申大義續命孫
士毅率提督許世亨帶粵兵萬人出關聲討又令雲
南提督烏大經自馬白一路帶兵五千協力進攻孫
士毅於十月二十八日自鎮南關啟行所過諒山等
處夷衆歡迎感泣直渡壽昌江十一月十七日阮衆
屯市球江我兵隔江排砲轟打暗由下游二十里外飛

渡截其後路痛加殲戮並將先降後叛之偽高平府
督陳名炳陣獲正法尤為快意十九日黎明抵富良
江對岸兵衆蟻聚我師以數小船竹筏渡百餘人驟
進勦殺奪船二十日乘夜渡江五鼓登岸乘阮衆駭
竄勦誅殆盡黎城不攻自破黎氏族人百姓等跪迎
入城先已降旨鑄印撰勅郵致軍前至是日黎維祁
來歸孫士毅傳旨冊封為安南國王大局已定現仍
厲兵再進直搗順化廣南期為黎氏窮追餘黨以淨

盡根株是役也朕以名義所在為天下萬世立君臣
之極且國家撫馭萬國寧有意尺寸幅員實因臣服
有年偶遇禍變終資天朝覆冒之力俾普天率土仰
瞻知勸懷侯柔遠理亦宜之自半載以來先幾籌畫
申厲軍志俯察夷情馳諭指示者日或一再而孫
士毅竟克仰承鼓衆心而嚴師律兩旬之間迅奏
大捷深可嘉尚因封為一等謀勇公賜寶石帽頂
并封許世亨一等子在事將弁兵丁咸予優叙加

賞披諭之餘因成二律以誌

吳蒼黔眷佑順善成之喜

交趾安南後改名

安南古南交地漢武帝時置日南等九郡交趾居其一唐調露初改安南

郡護府始有安南之名明永樂時復改為交趾正統初又仍封為安南國王嗣後陳氏黎氏莫氏叛順無常而其國亦篡奪相仍幾無寧息至我朝順治年間黎維祺奉表投誠迄今百五十年世守藩臣最為恭順不意六月間有土酋阮岳阮忠占據黎城之事

土酋猖獗占黎城母妻匍匐來逃

命督撫商量請發兵復彼國家未聞古利其土地却殊

明

明自永樂時討平黎氏之後遂置交趾布政司分立邵縣編置官僚既乖興滅繼絕之義轉貽未危微利

之譏若此次命孫士毅整兵討叛先令檄諭該國並不貪其尺寸及克復黎城即命受封嗣國正大光明與前代利其土地者重封興滅昭恩義永靖瀛藩奉大清

三江飛渡弗須舟

節次據孫士毅奏於十一月十三日夜至壽昌江岸編筏過江勦殺阮衆

無算十六日至市球江阮衆拒守孫士毅轟砲列陣作欲渡之勢令總兵張朝龍帶兵於下游二十里夜半潛渡阮衆潰散與予指示令其設遇江河應別尋上下游濟師此旨尚未到而孫士毅乃不約而合十九日即直抵富良江岸彼衆聚船或在江心或在對岸猝難過渡因急覓沿村小農船數隻竹筏幾片乘載官兵二百餘人於五鼓直衝彼岸奪獲船艘三十餘隻駛回夷衆歸更番渡兵二千過江分燒各船兵衆無一得脫

巢窠不留賈勇千軍胥敵愾同勞一將有深謀

許世亨前在金

川奮勇出力摧至總兵昨隨福康安平定臺灣成功陞
提督此次克復黎城孫士毅固為謀勇兼全而許世亨
率兵夜渡實為
同力協勞之佐
孱王已幸生天再餘黨還期指日因佇
待紅旗馳報喜竒勲仍有異恩酬

嘉平廿一日於西苑覲年班各部並臺灣生番示

以冰嬉即事得句

賀正近遠畢來同撫諭憑輿言語通

今早往西苑用膳辦事所有年班藩

部道羅貢使向於西華門外迎謁今歲並有臺灣生番
頭目俯伏道傍瞻覲憑輿撫諭據各通事譯奏具見誠
悃至蒙古回部則予素習
其語不待古人之傳也
西北新番稱舊僕
四衛拉綽羅斯部和

碩特部都爾伯特部土爾扈特
部皆屬新附然今都似舊臣矣
東南捕鹿學賓鴻

上年福康

安征勦臺灣逆匪生擒逆首林爽文莊大田其時內山
各社生番遵檄協力効命頗為踴躍當即厚加賞賚旋

據福康安奏各番目情願來京謝恩嘉其誠懇因允所
請茲屋鰲總社番頭目華篤生哨及所轄六社番目阿

里山總社番頭目阿巴里及所轄八社番目大武壠總
社番頭目樂吧紅及所轄五社番目傀溫山總社番頭

目加六賽及所轄七社番目並通事社丁共四十二人
班迎西華門外隨入西苑賜食並令與觀冰嬉該生番

等平日以捕鹿為業山野之性居然拜跪如禮而形色
亦俱極恭敬歡服已令於職貢圖增繪補編以誌國家

撫御廣遠益勵欽承帝佑冰嬉仍寓詰戎訓苑觀都懷奉朔衷衆

喜康強頌四得獨深虔罔

吳恩蒙

戊申除夕

甲子會元旦誠然獲有秋

呂覽云元旦值甲子穀賤今歲正值甲子

綏豐幸

各省賑沴亟荊州

今夏惟荊州水災最重

祈歲一心切迎年萬福

求如斯復七度歸政得優游

御製詩五集卷四十二